

禮部志稿



欽定四庫全書

禮部志稿卷三十五

明 俞汝楫 編

主客司職掌

朝貢

國初諸番國及四夷土官朝貢具載職掌其後募化者衆事例日增土官衙門添設別見兵部而事關朝貢者附此

東南夷

見祖訓及職掌凡二十國祖訓例不征諸夷朝鮮
日本大小琉球安南真臘暹羅占城蘇門答刺西
洋瓜哇彭亨百花三佛齊淳泥凡十五國職掌所
載又有瑣里西洋瑣里覽邦淡巴須文達那諸國
與祖訓稍有不同

洪武初分遣使臣奉詔往諭諸番以平定四海之
意多隨使來朝貢者八年諭安南高麗占城等國

每三年一朝貢國王嗣立則世見永樂中數有事於西洋遣中使以舟師三萬齎金帛諭賜之隨使朝貢者十有六

朝鮮國

祖訓朝鮮國即高麗其李仁人及子李成桂今名旦者自洪武六年至洪武二十八年首尾凡弒王氏四王姑待之

按高麗併有扶輿新羅百濟其國分八道洪武二年國

王王顥遣使奉表賀即位請封貢物詔封為高麗國王
賜龜紐金印詔命五年以高麗貢使煩數諭令三歲或
歲一來二十五年李成桂代王氏請更其國號詔更號
朝鮮永樂初賜印誥自後每歲聖節正旦嘉靖十年外
夷朝正旦者俱改冬至皇太子千秋節皆遣使奉表朝
賀貢方物其餘慶慰謝恩無常期若朝廷有大事則遣
使頒詔於其國國王請封亦遣使行禮其歲時朝貢視
諸國最為恭慎嘉靖二十六年特許其使臣同書狀官

及從人二三名於郊壇及國子監遊觀禮部劄委通事
一員伴行撥館夫防護以示優異云 貢道由鴨綠江
歷遼陽廣寧入山海關達京師又中國漂流人口至本
國者量給衣糧送回 先是永樂元年其國王具奏世
系不係李仁人之後以辨明祖訓所載弑逆事詔許改
正正德嘉靖中屢以為請皆賜勅獎諭焉萬曆三年使
臣復申前請詔付史館編輯今錄於後李成桂系出本
國全州遠祖翰仕新羅為司空六代孫兢休入高麗十

三代孫安社生行里行里生椿椿生子春是為成桂之
父李仁人者京山府吏長庚裔也始王氏恭愍王顯無
子養寵臣辛旽子禍為子恭愍王為嬖臣洪倫等所弑
仁人當國誅倫等立禍禍嗣位十六年遣將入犯遼東
成桂為副將在遣中至鴨綠江與諸將合謀回兵禍懼
傳位於其子昌時恭愍妃安氏以國人黜昌立王氏孫
定昌君瑤誅禍逐仁人已而瑤妄殺戮國人不附共推
成桂署國事表聞高皇帝命為國王遂更名曰贍瑤別

署終其身

貢物 金銀器皿 螺鈿梳函 白綿紬各色苧布

龍文簾蓆各色細花蓆 豹皮 獺皮 人參

黃毛筆 白綿紙 種馬每三年五十四匹近有加貢

不在種馬之數

日本國

祖訓日本國雖朝實詐暗通奸臣胡惟庸謀為不軌
故絕之

按日本古倭奴國世以王為姓其國有五畿七道及屬國百餘時寇海上洪武五年始令浙江福建造海舟防倭七年其國王良懷遣僧朝貢以無表文却之其臣亦遣僧貢馬及茶布刀扇等物以其私貢却之又以頻年為寇令中書省移詰責自後屢却其貢并安置所遣僧於川陝番寺十四年從其請遣還十六年築登萊至浙並海五十九城二十年築福建並海十六城各置衛所永樂初復來朝貢賜龜紐金印誥命封為日本國王名

其國鎮山曰壽安鎮國之山御製碑文賜之給勘合百道始令十年一貢貢道繇浙江寧波府每貢正副使等毋過二百人若貢非期人船逾數夾帶刀鎗並以寇論宣德初遣貢不如約諭使臣自今貢毋過三船人毋過三百刀劍毋過三十嘉靖六年奏準凡貢非期及人過百船過三多挾兵器皆阻回二十九年定日本貢船每船水夫七十名三船共計水夫二百一十名正副使二員居坐六員土官五員從僧七員從商不過六十人三

十年後時入寇掠自是朝貢未有至者

貢物 馬 盔 鎧 劍 腰刀 鎗 塗金裝綵

屏風 灑金厨子 灑金文臺 灑金手箱 描金

粉匣 描金筆匣 抹金銅提鈔 灑金木鈔角盥

貼金扇 瑪瑙 水晶數珠 硫黃 蘇木 牛

皮

琉球國

祖訓大琉球國朝貢不時王子及陪臣之子皆入太

學讀書禮待甚厚小琉球國不通往來不曾朝貢

按琉球國有三王洪武初中山王察度山南王承察度
山北王帕尼芝皆遣使奉表箋貢馬及方物十六年各
賜鍍金銀印二十五年中山王遣子姪入國學以其國
往來朝貢賜閩人三十六姓善操舟者永樂以來國王
嗣立皆請命冊封後惟中山王至中山世稱尚氏諭定
二年一貢每船百人多不過百五十人貢道由福建閩

縣

貢物 馬 刀 金銀酒海 金銀粉匣 瑪瑙

象牙 螺殼 海巴 擢子扇 泥金扇 生紅銅

錫 生熟夏布 牛皮 降香 木香 速香

檀香 黃熟香 丁香 蘇木 烏木 胡椒 硫

黃 磨刀石 右象牙等物進收硫黃蘇木胡椒運

送南京該庫馬就于福建發缺馬羸站走遞磨刀石

發福建官庫收貯

、安南國

祖訓安南國三年一貢

按安南國古交趾地洪武二年其國王陳日燧遣使朝貢請封詔封為安南國王賜鍍金銀印誥命未至而日燧卒以封其弟日焜後其臣陳叔明專黎季犛篡位俱降詔詰責季犛詭言陳氏無後請署國事已而日燧弟天平來訴季犛又詭迎天平還國伏兵殺之永樂四年發兵討平殄季犛父子郡縣其地尋有季擴之亂甫定而黎利復叛宣德間遣使謝罪請命因宥而封之嗣後

朝貢如常別有進中宮東宮方物其餘慶慰謝恩無常
期朝廷有大事則遣使頒詔於其國國王請封亦遣使
行禮嘉靖十九年其臣莫登庸篡立發兵討之明年登
庸降詔革王封止授都統使其所轄海陽等十三路各
改設安撫司每司設安撫一員同知一員聽自行陞黜
遇朝貢之年以陞黜過官員總數奏聞後登庸子莫福
海嗣朝貢不常萬曆四年都統使莫茂治遣使慶賀并
補貢二次九年復來貢亦補二次貢道由廣西憑祥州

貢物 金銀器皿 犀角 象牙 白絹 薰衣香
降真香 沈香 速香 木香 黑線香 紙扇

真臘國

真臘本扶南屬國其國濱海後并有扶南洪武四年其
國巴山王忽兒那遣使貢方物賀正旦六年復來貢貢
道由廣東後朝貢不常

貢物 象 象牙 犀角 孔雀翎 寶石 土降
香 蘇木 烏木 黃花木 胡椒 黃蠟

暹羅國

國濱海本暹與羅斛二國後併為一洪武四年其國王
參烈照毘牙遣使奉金葉表來朝貢方物賀正旦六年
參烈寶毘牙復遣貢并獻其國地圖十年遣人齎詔及
印往賜之十六年給文冊永樂元年遣使乞量衡為國
中式自後定三年一朝貢貢道由廣東萬曆七年遣使
具金葉表文入貢

貢物 象 象牙 犀角 孔雀尾 翠毛 龜筒

六足龜 寶石 珊瑚 金戒指 片腦 米腦

糠腦 腦油 臘柴 檀香 速香 安息香

黃熟香 降真香 羅斛香 乳香 樹香 木香

烏香 丁香 薔薇水 碗石 丁皮 阿魏

紫梗 藤竭 藤黃 硫黃 沒藥 烏爹泥 肉

荳蔻 胡椒 白荳蔻 萆茈 蘇木 烏木 大

楓子 苾布 油紅布 白纏頭布 紅撒哈刺

紅地紋節智布 紅杜花頭布 紅邊白暗花布

乍蓮花布 烏邊葱白暗花布 細棋子花布

織人象花文打布 西洋布 織花紅絲打布 織

雜綠打布 紅花絲手布 剪絨絲雜色紅花被面

織人象雜色紅花文絲縵

占城國

祖訓自占城以下蘇門答刺西門瓜哇彭亨百花三
佛齊淳泥諸國來朝時內帶行商多行謫詐故沮之
自洪武八年沮至洪武十二年方乃得止焉

按占城國濱海即古越裳林邑洪武二年其國王阿荅
阿者遣使朝貢詔封為占城國王賜鍍金銀印四年遣
使奉金葉表文朝貢十六年復遣子來賀聖節乃齎與
勘合文冊二十四年復來朝貢以其臣弑立命絕之永
樂後其國與諸國皆來朝貢始定三年一貢貢道由廣
東正統後其國襲封遣使行禮

貢物 象 象牙 犀 犀角 孔雀 孔雀尾

橘皮抹身香 薰衣香 奇南香 金銀香 土降

香 燒碎香 檀香 柏香 花藤香 龍腦 烏

木 蘇木 花梨木 蕪蔓香沙 紅印花布 油

紅綿布 白綿布 烏綿布 圖壁花布 花紅邊

縵 番花手巾 雜色縵 番花手帕 兜羅錦被

洗布白泥

瓜哇國

國濱海即古閩婆有東西二王洪武五年其國王昔里
八達刺八刺蒲遣使奉金葉表貢方物并納元所授宣

勅十四年來貢如初有黑奴三百人後絕其貢永樂二
年其國東王孛令達哈遣使朝貢請印賜鍍金銀印五
年西王都馬板滅東王遣使謝罪正統八年令三年一
貢後朝貢無常期

貢物 火雞 鸚鵡 孔雀 孔雀尾 翠毛 鶴

頂 犀角 象牙 玳瑁 龜筒 寶石 珍珠

薔薇露 奇南香 檀香 麻藤香 速香 降香

木香 乳香 黃熟香 安息香 烏香 龍腦

丁皮 沒藥 肉苳蔻 白苳蔻 藤竭 血竭 蘆薈

阿魏 大楓子 番木鱉子 華澄茄 華芩

悶蟲藥 黃蠟 番紅土 烏爹泥 金剛子 碗

石錫 西洋鐵 摺鐵刀鐵鎗 苾布 油紅布

蘇木 烏木 胡椒

彭亨國

國濱海洪武十一年其王麻哈刺惹荅饒遣使奉金葉表貢番奴及方物永樂十二年復遣使朝貢

貢物 金水罐 象牙 乳香 速香 檀香 片

腦 胡椒

百花國

國居海中洪武十一年其王刺丁刺者望沙遣使奉金

葉表朝貢

貢物 白鹿 紅猴 龜筒 玳瑁 孔雀 鸚鵡

倒掛鳥 胡椒 香蠟

三佛齊國

國居海中即舊港本南蠻別種有地十五州洪武初其
國王怛麻沙那阿者稱臣入貢四年遣使奉金字表朝
賀六年遣賀正旦貢方物八年復遣使從招諭拂菻國
十年其子麻那者巫里嗣立奉表請封遣人齎駝紐鍍
金銀印賜之

貢物 火雞 五色鸚鵡 孔雀 龜筒 黑熊

白獺 諸香 米腦 苾布 兜羅錦被 胡椒

肉苴菴 番油子

淳泥國

國居海中本屬閩婆有地十四州洪武四年其國王馬合謨沙遣使以金表銀箋貢方物永樂三年遣使往封麻那惹加那乃為王給印誥勅符勘合六年王率其妃及家屬陪臣來朝至福建遣中官往燕勞之令所過諸郡設宴至京王奉金字表獻珍物妃箋獻中宮東宮上御奉天門賜王宴是年王卒於會同館輟朝三日祭賻甚厚詔謚恭順賜葬南京城外石子岡以西南夷人隸

籍中國者守之樹碑立祠命有司春秋致祭封其子遐
旺嗣遣中官及行人護送歸國復從其請封其國後山
為長寧鎮國之山御製碑文賜之十二年及洪武熙元
年俱來朝貢

貢物

單目用銀

五色鸚鵡

倒掛鳥

孔雀

鶴頂

犀角

熊皮

生玳瑁

龜筒

寶石

珍珠

金戒指

金縵環

金銀八寶器

梅花龍腦

米

腦
糠腦

降香

沈速香

檀香

丁香

肉苳

菴 黃蠟 螺殼 西洋白布 黑小廝

須文達那國

洪武十六年其國王殊旦麻勒兀達盼遣使奉金葉表
來貢

貢物 馬幼苾布 隔著布 八的方布 花滿直

地番綿紬 直地兜羅錦 撒刺八幼賴隔著 撒

哈刺 薔薇水 降香 沈速香

蘇門答刺國

國濱海永樂三年其酋長宰奴里阿必丁遣使朝貢誥封為國王給印誥五年至宣德六年屢遣使來貢表用金葉十年復請封其子為王或曰即須文達那國

貢物 馬 犀牛 龍涎 寶石 瑪瑙 水晶

石青 回回青 錫 硫黃 番刀弓

梭眼 木香 丁香 降真香 沈速香 胡椒

蘇木

西洋瑣里國

國濱海近瑣里視瑣里差大洪武三年其國王別里提遣使奉金葉表貢方物永樂元年復遣使朝貢

貢物 黃黑虎 馬 兜羅綿被漫折的花被 皮

剔布 槁泥布 沙馬打泥布

瑣里國

西海中小國洪武五年其國王卜納的遣使奉金葉表貢方物并圖其地山川以獻

貢物 馬紅八者蓋布 紅撒哈刺 覲木里布

紅番布 白苾布 珠子項串

覽邦國

洪武九年國王昔里馬哈刺扎的刺扎遣使奉表來貢
永樂宣德中附隣國貢方物

貢物 馬 孔雀 胡椒 蘇木 檀降香

淡巴國

在西南海中洪武十年國王佛喝思囉遣使奉表朝貢

貢物 苾布 兜羅錦被 沈香 檀香 速香

胡椒

蘇祿國

國在東南海中永樂十五年葛祿東國巴都葛叭荅刺
西國麻哈刺吒葛刺麻丁峒妻叭都葛巴刺卜各率其
屬三百餘人奉金鏤表朝貢各賜印誥封為其國王三
王者東王為尊西峒二王副之東王歸次德州卒賜祭
命有司葬以王禮御製碑文留其妃妾僉從十人守墓
三年還國勅諭其子都麻含封為東王十九年遣使來

貢

貢物 梅花腦 米腦 竹木 綿花 玳瑁 降

香 蘇木 胡椒 萆芡 黃蠟 番錫

古麻刺國

國在東南海中永樂十八年國王幹刺義亦敦奔率妻子及陪臣來朝貢方物請封給印誥仍其舊號行至福州卒詔謚康靖勅葬閩縣令有司歲致祭

古里國

古里大國西洋諸番之會永樂三年其酋長沙來的遣使朝貢勅封為古里國王給印誥五年七年皆遣朝貢貢物 寶石 珊瑚珠 琉璃瓶 琉璃碗 寶鐵 刀 拂郎雙刃刀 金繫腰 錫 阿思摸達塗兒 氣 龍涎 蘇合油 乳香 檀香 木香 梔子 花 胡椒 花檀單 伯蘭布 苾布 紅絲花手巾 番花人馬象物手巾 線結花靠枕

滿刺加國

永樂三年其酋長拜里迷蘇刺遣使奉金葉表朝貢詔封為國王給印誥使者言王慕義願同中國屬郡歲效職貢又請封其國西山詔封為鎮國之山御製碑文賜之九年國王率其妻子及陪臣五百四十餘人朝貢命官往勞上御奉天門宴之十年遣使來貢十二年國王子母斡撒子的兒沙來朝告父卒命嗣封二十二年及宣德九年國王復來正統十年以後屢遣使來貢貢道由廣東天順三年其子嗣王請封遣使行禮

貢物 犀象 象牙 玳瑁 瑪瑙 珠 鶴頂

金母鶴頂 珊瑚樹 珊瑚珠 金鑲戒指 鸚鵡

黑熊 黑猿 白麂 蘇普 撒哈刺 白苾布

薑黃布 撒都細布 西洋布 花縵 薔薇露

梔子花 烏爹泥 蘇合油 片腦 沈香 乳香

黃連香 金銀香 降真香 紫檀香 丁香 樹

香 木香 沒藥 阿魏 大楓子 烏木 蘇木

番錫 番鹽 黑小廝

娑羅國

永樂四年東王西王各遣使朝貢

貢物 珍珠 玳瑁殼 白焦布 花焦布 降真

香 黃蠟 黑小廝

阿魯國

在西南海中永樂五年其王速魯唐忽先遣使附古里

諸國朝貢

貢物 象牙 熟腦

小葛蘭國

永樂五年遣使附蘇門答刺等國朝貢

貢物 珍珠傘 白棉布 胡椒

榜葛刺國

西天有五印度國榜葛刺即東印度永樂六年國王霽
牙思丁來朝貢九年至太倉命行人往宴勞之十二年
王蹇弗丁遣使貢麒麟等物正統三年貢同表用金葉

貢物

馬 馬鞍

金銀事件

戲金琉璃器皿 青花

白瓷 撒哈刺 者抹黑荅立布 洗白苾布 甕

羅錦 鶴頂 犀角 翠毛 鶯歌 糖霜 乳香

熟香 烏香 麻膝香 烏爹泥 紫膠 藤竭

烏木 蘇木 胡椒 麝黃

錫蘭山國

永樂九年遣使諭西洋諸國歸經錫蘭山其國王亞烈苦奈兒發兵絕我歸路使者襲其城生擒國王及家屬獻于朝命釋之擇立其屬之賢者十年封耶巴乃那為

王正統十年天順三年遣使來貢

貢物 寶石 珊瑚 水晶 金戒指

西洋細布 乳香 木香 樹香 土檀香 沒藥

硫黃 藤竭 蘆薈 烏木 胡椒 碗石 象

沼納撲兒國

國在印度之中即古佛國永樂十八年其國王亦不刺

金數侵榜葛刺國遣使齎勅諭之

拂菻國

在嘉峪關外萬餘里洪武四年遣其國故民捏古倫齋
詔諭之尋遣使朝貢

柯枝國

永樂二年其國王可亦里遣使朝貢十年遣使來請封
其國之山詔封為鎮國山御製碑文賜之賜印誥與國
王

麻林國

永樂十二年遣使來朝貢麒麟等物

呂宋國

洪武五年與瑣里諸國同貢方物永樂三年遣使朝貢
萬歷四年助討逋賊有功來貢貢道由福建

碟里國 日羅夏治國 合猫里國

俱永樂三年同瓜哇國朝貢

古里班卒國 打回國 忽魯謨斯國

又云忽

魯母思

以上俱永樂三年遣使朝貢

甘把里國

又云甘巴巴里

永樂十二年遣使朝貢

嘉裕爾國

色佛呼國

又云左法兒

溜山國

阿哇國

南巫里國

急蘭丹國

奇刺泥國

夏刺比國

窟祭尼國

烏涉刺踢國

哈

丹國

魯密國

彭加那國

捨刺齊國

八

可意國

坎巴夷替國

哈克達國

又有白葛達宣德七

年至刺撒

不刺哇

木骨都東

喃渤利

千

里達 沙里灣泥

以上俱永樂中遣使朝貢

北狄

北狄韃靼最大自元時遁歸沙漠其餘黨則世稱汗
東烏梁海西哈密北衛喇特衛喇特強數敗韃靼其後烏
梁海哈密皆內附而烏梁海遂分為諾延等三衛衛
喇特酋瑪哈穆特封順寧王韃靼酋阿魯台乞降封和寧
王皆遣使入貢自後叛服不常成化中小王子亦通

貢貢無常期隆慶中諳達封順義王每歲貢馬互市
至今不絕

迤北小王子衛喇特三王

永樂元年韃靼知院阿魯台衛喇特瑪哈穆特各遣人入貢
七年封衛喇特瑪哈穆特順寧王太平賢義王巴圖博囉安
樂王通貢不絕十一年阿魯台乞降奉表稱臣貢駝馬
封和寧王尋各叛去二十年阿魯台弑其汗布尼雅實
哩而自立瑪哈穆特攻破之遂立元裔托克托布哈為汗

居於漠北

宣德元年衛喇特太平子紐勒琿嗣賢義王瑪哈穆特子托歡嗣順寧王二年阿魯台托歡各遣人朝貢三年托歡復貢六年阿魯台遣人自遼東入貢九年托歡擊敗阿魯台走死遣人朝貢且告捷

正統初汗托克托布哈及托歡遣人貢馬六年托克托布哈及其太師額森貢馬額森者托歡子也

景泰元年敖拉知院遣人進馬請和賜勅諭意復遺書

衛喇特汗賜額森勅又遺額森教拉金幣托克托布哈
乃遣必魯瑪哈穆特報貢額森使亦至賜宴于奉天門陞
賞有差三年衛喇特同穆錫來王子遣人貢馬額森既攻
敗托克托布哈獻良馬二疋來告捷命宴其使賜鈔幣額
森請命使往來不許是歲衛喇特使臣太尉徹辰平章哈
濟阿里等二千九百餘人宴禮部額森使每至京三千
餘人出入驕恣貢使未還縱騎輒入塞鹵掠朝廷以通
好故不問其頭目正副使授都督都指揮等官各賞金

犀等帶三千餘人皆有賜織金綵紵至二萬六千四百餘疋絹九萬一百餘疋衣靴帽以萬計及額森自立為汗遣哈濟貢馬及貂鼠銀鼠皮自稱為大元天聖汗朝廷亦稱衛喇特汗以報之是歲額森弟賽音布魯魯王請酋並遣人貢馬額森新立欲與中朝通好貢市往來然賞賜亦以百萬計

天順初額森為哈喇所逐死博囉殺哈喇立小王子為汗其後博囉王子復弒小王子立托斯托斯者小王子

從兄也及博囉衰而大酋摩囉歡阿勒楚爾博勒呼據套相持時遣人貢馬然亦數寇邊

洪化初滿達勒稱汗奇木嘉色稜遣托噶阿古爾等四千人貢馬駝五千許以一千七百人入邊境中亂滿達勒亦衰而後巴圖孟克三太師伊斯瑪音知院托羅該屢遣人貢馬

弘治初巴圖孟克死弟巴延孟克立及其酋長與衛喇特皆貢馬巴延孟克與和碩相攻小王子益衰其自天順

成化以來更立數王然皆稱小王子自是頻年入貢元年貢使六千餘人準放一千五百餘人三年三千五百餘人準放一千五百人四年五千人準放一千七百餘人九年三千人準放一千人十年六千人準放二千人至京者以五百人為率貢道皆由大同入居庸

正德中衛喇特西徙與土魯番相讐殺小王子復強小王子三子長阿爾婁其後為圖們汗次阿珠次摩古津阿爾婁為太師額伯爾所弑二子博恰伊爾們皆幼阿珠稱

小王子未幾死衆立博恰稱伊克汗而額伯爾部從濟
囊居套和碩部從諳達居漠婁巴圖住牧宣府塞外與
濟囊子濟農東西出沒並聽諳達調度濟囊諳達婁巴
圖皆阿珠子而諳達最強

嘉靖間犯邊無寧歲遂絕其貢至隆慶中復款貢為順
義王

貢物 馬 駝 貂鼠皮 海青

順義王

嘉靖間濟囊駐牧河套近延寧諳達近大同山西婁
巴圖近宣府各衆十餘萬時時寇邊二十九年諳達入
犯薄都城脅求通貢不許

隆慶四年諳達孫巴罕鼐濟來降詔授官職厚撫之諳
達屢請不得遂執拜牲叛人趙全等以獻請贖還鼐濟
因乞封貢許之乃封諳達為順義王賜勅印令約束諸
部落其弟婁巴圖其子黃台吉等并各部皆授以都督
指揮千百戶等官每年一貢以二月為期由小王子故

道馬不過五百匹內選上馬三十匹督撫代進餘留邊
給軍使人不過一百五十名俱留大同應得賞賜差官
齎發軍門頒給五年套部濟囊子濟農因詣達求貢詔
授濟農都督部下頭目量授指揮千百戶每年貢馬二
百匹內選上馬二十匹送宣大軍門類進餘馬及使人
二十名俱留延寧賞賜亦差官齎給仍許開市諸部貢
者六枝一婁巴圖後為青巴圖台吉等一黃台吉等今
為齊哩克等一永實卜岱青台吉等一烏蘓達爾罕台

吉等一呼喇濟巴圖爾台吉等一濟農後為巴圖爾黃
台吉等今為布斯圖阿布哈等皆統於順義王諳達開
市凡十一處在大同者三曰得勝口曰新平曰守口在
宣府者一曰張家口在山西者一曰水泉營在延綏者
一曰紅山寺堡在寧夏者三曰清水營曰中衛曰平虜
衛在甘肅者二曰洪水扁都口曰高溝寨歲以為常市
各二日每月又有小市六年貢市部人一百五十三名
萬曆元年增至四百五十三名二年增至五百五十七

名題準行該鎮督府量加節制諳達死黃台吉嗣王更
名徹辰汗齊哩克

貢物 馬 鍍金鞍轡 撒袋 達弓 雕翎箭

諾延衛 福餘衛 泰寧衛

烏梁海即古山戎後稱庫莫奚在烏龍江南漁陽塞
北元時為大寧路北境國初設北平行都司洪武十
四年以大寧地封子權為寧王二十一年東夷遼王
惠寧王諾延元帥府元帥等各遣使來朝二十二年

乃分烏梁海為三衛于橫水之北曰諾延曰福餘曰
泰寧以處降人授指揮使等官各賜以冠帶俾領所

部

成祖靖難時寧王權從南下時諾延三衛各以其兵從
有戰功永樂元年三衛來朝益求內附因改封寧王于
南昌移行都司於保定而以大寧全地與之授都督都
指揮指揮千百戶鎮撫等官各賜勅書每襲則更勅有
功則加陞入貢者以勅為驗自是襲陞朝貢不絕歲以

聖節及正旦後改冬至兩貢每貢各衛百人由喜峰口

入

貢物駝馬

西戎

自陝西蘭州渡河千五百里至肅州肅州西七十里
為嘉峪關外並稱西域而陝西以南並四川抵雲南
外徼並稱故元遼王七衛曰哈密曰安定曰安圖曰
齊勤蒙古曰察遜曰罕都罕都左皆曰關西而哈密

又最西永樂十三年遣使往諭西域歷十有七國其
後土魯番強占據哈密關西諸衛皆為所侵擾西番
地為都指揮使二指揮使司一宣慰使司三招討司
六萬戶府四千戶所十七又於洮河西寧各置茶馬
司以通貿易國初令各酋長故有官職者至京授職
俾因俗為治至今因之

哈密

輝和爾附

哈密古伊吾廬地在燉煌北大磧外為西域諸番往來

要路其國部落與回回輝和爾三種雜居非貴俗不相
下永樂二年以封元裔額爾克特穆爾為忠順王而授其
頭目瑪哈瑪特浩齊等為指揮等官分居苦峪城忠順王
數世襲封賜金印誥命領西域職貢而三種各立都督
以佐之諸番貢使皆繇哈密譯送成化元年令哈密每
年一貢以八月初旬驗放入關多不過三百人內起送
三十人赴京九年以後及弘治正德間數被土魯番驅
掠朝廷每遣大臣經畧還其金印城池復立酋長然驅

掠如故嘉靖八年定每貢不必拘三百之數止據到數
十人起送二人前起貢回盡數出關後起方許入關十
一年定五年一貢每貢不過一百人起送不過三十人
四十二年定哈密輝和爾都督俱五年一貢每貢三十人
起送十三人餘留邊聽賞

貢物 馬 駝 玉 斯隆瑪石 青金石 把咱
石 金剛鎖 梧桐鱗 鐵器 諸禽皮等物

安定衛

安定韃靼別部洪武七年西域安定王布延特穆爾遣使來朝貢鎧甲刀劍等物因立其酋長為四部各賜印曰鄂端曰阿榮曰庫克新曰特哩而賜布延特穆爾銀印仍稱安定王八年設安定鄂端二衛指揮使司分統四部天順三年弘治十一年俱遣使來貢駝馬

罕都衛 齊勤蒙古

罕都罕都左二衛皆在沙州本西戎部落洪武三十年設以其部長索諾木策喇實為指揮僉事永樂二年來貢

陞指揮使齊勤蒙古西戎月氏國永樂二年故韃靼丞相子塔爾尼來歸因設齊勤蒙古千戶所以為千戶尋陞為衛塔爾尼為指揮各賜印詔宣德以來朝貢不絕嘉靖四十二年定五年一貢每貢三十人起送十三人赴京餘留邊聽賞

貢物 馬 駝 梧桐 鹹

察遜衛

察遜亦西戎部落永樂四年設衛以其部曩薩奇蘓為指

揮同知正德二年遣使朝貢

哈里 哈克繖 哈喇婁 薩爾滿 喀什噶

爾 哈努勒 薩哩木 薩蘭 額爾巴拉 亦云

巴實伯哩 摩和勒 博迪蘇 巴勒赫 阿哩瑪

圖沙瑪 綽爾齊 幹齊爾 布哈爾 保喇

實喇斯 尼沙布爾 和斯摩哩 塔布喇實

古薩克蘊 和坦 和卓 庫克新 沙津哈

雅 約希 雅爾哈 戎 巴雅爾 阿克蘇

鄂端 伊遜展 庫徹 沙克 巴延 克結

西戎三十八國朝貢皆經哈密其貢期或三年或五年
一次起送不過三十五人哈里洪武三十五年遣使招
諭賜織金文綺永樂七年正統二年俱遣使來朝貢馬
及玉石額爾巴拉洪武二十四年遣使來朝貢馬永樂
四年貢玉璞等物十一年遣使諭其國十六年復入貢
正統二年其王烏蘇遣人貢玉璞駝馬景泰天順以來
入貢不絕

土魯番 和卓 柳陳城

和卓古車思地東七十里為柳陳城西百里為土魯番
永樂七年和卓遣使朝貢宣德五年和卓王哈克繖土魯
番萬戶賽音特穆爾柳陳城萬戶鄂齊爾俱遣使貢馬
及玉璞其後朝貢者止稱土魯番成化九年番酋阿里
侵陷哈密擄王母奪金印弘治初其子阿里瑪復誘殺
哈尚六年又擄善巴以金印去朝遣官經畧絕其貢十
年効順復許通貢自後叛服不常正德四年五年俱來

貢嘉靖二年以後定五年一貢

貢物 馬 駝 玉石 鑲鐵刀 鑲鐵銼 各色

靶小刀 金剛鑽 梧桐鱗 羚羊角 鐵角皮

紅絹道布 柳青撒哈刺 禪衣鞍子撒袋花手巾

賽瑪爾堪

賽瑪爾堪古屬賓國洪武二十年國王特穆爾遣使朝貢二十二年復進馬二十四年進海青正統中再貢馬及玉石成化弘治中再貢獅子嘉靖二年後定五年一

貢

貢物 馬 駝 玉石 阿思馬亦花珠 薩蘭珠

瑪瑙珠 水晶枕 番枕 珊瑚樹珠 蘓普

梧桐鱸 矮納 鑲鐵刀 鑲鐵銼 磁砂 哈喇

石眼鏡 羚羊角 銀鼠皮 鐵角皮

魯爾

嘉靖三年自甘肅入貢後定五年一貢每貢起送十餘

人

貢物 獅子 西牛 玉石 金剛鑽 珊瑚珠花

瓷 珠花瓷湯壺 鏗 蘓普 撒哈刺 花帳子

羚羊角 實魯蘓皮 西狗皮 鐵角皮

天方國

天方古筠坤地又名西域宣德中遣使朝貢正德十二年入貢嘉靖中定五年一貢

貢物 駝 馬 玉石 瑪瑙 鑲鐵刀 鑲鐵鏗

花銅鐘 薩蘭石 磁砂 金剛鑽 蘓普 眼

鏡
菴班兒香
羚羊角
鐵角皮

默德那國

即回回祖國地接天方宣德中遣使隨天方國使臣朝貢

于闐國

于闐大國在葱嶺北永樂六年頭目達嚕噶額伯爾沁遣使來朝貢玉璞

日落國
巴勒丹哈沙
溫都爾
伊斯帕罕

俱永樂中遣使朝貢

哈喇

宣德七年遣使朝貢

額濟格依喀三

俱嘉靖中新附入貢

烏斯藏

西番古吐番地元時為郡縣洪武初因其舊職于是烏斯藏番僧有闡教王闡化王輔教王贊善王統化番民

又有護教王大法乘王大贊法王凡七俱賜銀印令比
歲每間歲朝貢

成化十七年題準每三年一貢各番王差人填寫原降
勘合闡化闡教輔教三王差來人從四川布政司比號
贊善王差來人從陝西布政司比號拜齋有印信番本
咨文方許入貢每貢各一百人多不過一百五十人大
乘大寶二法王原係遊僧無定所不管東番民不給勘
合亦無進貢年例止聽其欲來許差僧徒十人齋印信

番本隨四王貢使赴京護教王弘治以後來貢例與輔教王同其後入貢人數益多

隆慶三年奏定闡教闡化輔教三王大乘大寶二法王俱三年一貢每貢各一千人內五百人全賞在京題給五百人減賞本省給與于全賞內起送八人赴京餘留邊聽賞護教王三年一貢每貢七百七十五人內三百八十七人全賞三百八十八人減賞于全賞內起送六人赴京餘留邊聽賞

貢物 畫佛 銅佛 銅塔 舍利 各色珠勒瑪

各色特爾默 各色氍毹 珊瑚 犀角 左髻

毛纓 酥油 明盔 明甲 刀劍

長河西魚通寧遠等處 雜道長官司附

洪武十六年置長河西等處軍民安撫使司每年一貢
給與勘合于四川北號雅州入境每貢止許五六十人
多不過一百人方物該守關官員辨驗申送都布按三
司審實起送後改陞宣慰司弘治以來人數漸多嘉靖

二年題用弘治以前例不許過一千人隆慶三年定三年一貢每貢一千人內五百人全賞五百人減賞于全賞內起送八人赴京餘留邊聽賞

雜道長官司本長河西宣慰司部落初附本司年例進貢每貢差僧徒百人成化十六年乃另行起貢隆慶三年定三年一貢每貢三百三十六人內一百六十八人全賞一百六十八人減賞于全賞內起送四人赴京餘留邊聽賞

貢物 畫佛 舍利 各色珠勒瑪 各色特爾默

各色氍毹 珊瑚 犀角 左髻 明盔刀 毛纓

朶甘斯 朶甘直管招討司附

洪武七年陞朶甘衛為西安行都指揮使司給銀印十
八年改朶甘斯宣慰使司及萬戶府招討司東道萬戶
府塔魯千戶所每年一貢給與勘合于四川比號雅州
入境每貢止許五六十人多不過一百人後三年一貢
每貢一百人多不過一百五十人

直管招討司本朶甘斯宣慰司部落初附本司進貢襲
職成化以後乃分為二貢期人數與本司等後因人數
漸多隆慶三年定俱三年一貢每貢各一千人內五百
人全賞五百人減賞于全賞內起送八人赴京餘留邊
聽賞

貢物 各色珠勒瑪 各色特爾默 各色氍毹
左髻 明盔 長刀

董卜韓胡 別思寨安撫司 加渴瓦寺附

舊每年一貢後三年一貢於四川比對勘合人數照朶
甘斯例嘉靖二年題用弘治以前例不許過一千人其
部落別思寨安撫司加渴瓦寺弘治以後另貢 加渴
瓦寺茂州汶川縣地方成化六年奉勅本處住坐隆慶
三年定俱三年一貢董卜韓胡別思寨每貢共一千七
百三十五人內八百六十七人全賞八百六十八人減
賞于全賞內起送八人赴京餘留邊聽賞加渴瓦寺每
貢七百六十四人內三百八十二人全賞三百八十二

人減賞于全賞內起送六人赴京餘留邊聽賞

貢物 各色氍毹 各色珠勒瑪 各色特爾默

珊瑚 明盔 鐵甲 遮甲麻衣 白毛纓 紅毛

纓 黑毛纓 黃左髻

金川寺番僧

四川威州保縣地方舊三年一貢每貢許一百人多不
過一百五十人正德以來人數漸多隆慶三年定每貢
五百五十人內二百七十五人全賞二百七十五人減

賞于全賞內起送八人赴京餘留邊聽賞

貢物 珊瑚 胡黃連 木香 氍毹 足力麻

左髻 毛衣

雜谷安撫司

舊三年一貢每貢許一百人多不過一百五十人後人數漸多隆慶三年定每貢一千二百七十四人內六百三十七人全賞六百三十七人減賞于全賞內起送八人赴京餘留邊聽賞弘治正德中又有新招撫上草坡

克州等寺寨附屬本司

貢物

珊瑚

胡黃連

木香

茜草

足力麻

氍毹

毛衣

左髻

海螺

打刺兒寨

四川威州地方正德四年招撫奉勅為冠帶頭目議準
三年一貢每貢許二百五十人隆慶三年定一百二十
五人全賞一百二十五人減賞于全賞內起送四人赴
京餘留邊聽賞

貢物 珊瑚 氍毹

達司蠻長官司

舊來朝貢至正統十年以後止弘治二年復來嘉靖五年題用正德中例以三百九十人為正額後漸次增多隆慶三年定三年一貢每貢四百三十八人內二百一十九人全賞二百一十九人減賞于全賞內起送四人赴京餘留邊聽賞

貢物 珊瑚 犀牛角 礪砂 木香

長寧安撫司 韓胡碣怯列寺

二項番僧在四川松潘茂州等處地方舊每年朝貢許三十人多不過五十人附近烏斯藏地面者照烏斯藏例三年一貢每貢許二三十人多不過五六十人嘉靖八年長寧以宣德中例為請遂準三百人為正額隆慶三年定長寧安撫司三年一貢每貢三百人內一百五十人全賞一百五十人減賞于全賞內起送四人赴京餘留邊聽賞韓胡碣怯列寺三年一貢每貢一百五十

人內七十五人全賞七十五人半賞于全賞內起送四人赴京餘留邊聽賞

貢物 珊瑚 明盔 明甲 刀 乾松 氍毹

洮岷等處番僧

每寺許四五人每年終遇大節一次赴京朝貢

洮岷等處番族

舊二年一貢後三年一貢大族起送為首者四五人小族起送一二人留邊聽賞者大族不過十五人小族不

過七八人

貢物 銅佛 畫佛 舍利子 馬 駝 酥油

青鹽 青木香 足力麻 鐵力麻 韃韃 左髻

毛纓 明盔 明甲 腰刀

欽定四庫全書

禮部志稿卷三十六

明 俞汝楫 編

主客司職掌

土官

湖廣廣西四川雲南貴州腹裏土官遇三年朝覲差人進貢一次俱本布政司給文起送限本年十二月終到京慶賀限聖節以前謝恩無常期貢物不等

洪武間朝貢土官

四川

烏蒙軍民府 烏撒軍民府 芒部軍民府 金筑安

撫司 後屬貴州 布政司 廬山長官司 後屬貴州 宣慰司 慕役長官司 後屬

貴州永寧州 大華長官司 西堡長官司 後屬貴州 安順府 寧谷寨

長官司 後屬貴州 安順府 頂營長官司 後屬貴州 永寧府 十二營長官

司 後屬貴州 鎮寧府 安順州 後屬貴州 布政司 貴州宣慰司 後屬貴州 布政司

平茶洞長官司 播州宣慰司 程番長官司 後為府 設留官

屬貴州
布政司

龍州

後為宣撫司

永寧州

後屬貴州布政司

鎮寧州

後屬貴州布政司

司
康佐長官司

後屬貴州鎮寧州

建昌衛

禮州

柏興州

酉陽宣撫司

建安州

方番長官司

後屬貴州宣慰司

本瓜

長官司

後屬貴州

金筑安撫司

黎州

印部軍民府

德

昌府

普安軍民府

東川軍民府

長沙西

天全

六番招討司

占藏先結簇長官司

阿昔簇長官司

貉匪簇長官司

北定簇長官司

阿昔洞簇長官

司
祁命簇長官司

勒都簇長官司

班班簇長官

司 者多簇長官司 麥匝簇長官司 石砭宣慰司

泥溪長官司 雷坡長官司 沐川長官司 平夷

長官司 蠻夷長官司 馬湖府 後改設流官 岳希蓬長官

司 隴木頭長官司 靜州長官司 里州 建昌府

閣州 中縣 碧舍縣 會川府 武安州 永昌

州 隆州 姜州 黎溪州 麻龍縣 會理州 威

龍州 昌州 普濟州

廣西

龍英州 江州 龍州 思明府 陀陵縣 養利州

上下凍州 思陵州 萬承州 太平州 後設太平府流官統

本州及龍溪羅陽等州縣 安平州 都結州 羅陽縣 思城州

結倫州 鎮遠州 左州 後改設流官 崇善縣 茗盈州

南丹州 結安州 永康縣 思同州 東蘭州 那

地州 全茗州 利州 鎮安府 田州府 後改田寧府設流官

泗城州 奉議州

雲南

姚安軍民府

後改設
流官

姚州

後改設
流官

元江府

廣通縣

平緬宣慰司

車里軍民宣慰司

八百宣慰司

麗

江府

景東府

楚雄府

後改設
流官

鶴慶府

後改設
流官

尋甸

府

後改設
流官

鄧川州

海東土官

賓居土官

小雲南

土官

臨安府嶠峩縣

大理府

後改設
流官

湖廣

施南宣慰司

忠建安撫司

思南宣慰司

後改思南
府設流官

屬貴州
布政司

永順宣慰司

保靜宣慰司

臻部六洞黃坡

等處長官司

曲靖軍民府

後改設流官屬
雲南布政司

萬歷初朝貢土官

四川

烏蒙軍民府

烏撒軍民府

播州宣慰司

蠻夷長

官司

靜州長官司

岳希蓬長官司

泥溪長官司

平夷長官司

沐川長官司

隴木頭長官司

石

砭宣撫司

天全六播招討司

酉陽宣撫司

祁命

簇長官司

絡匝簇長官司

阿昔洞簇長官司

者

多簇長官司 北定簇長官司 勒都簇長官司 麥

匝簇長官司 疊溪鬱即二長官司 寧戎巡檢司

鎮雄府寒水巡檢司 永寧宣撫司 九姓長官司

長寧縣下寧遠鄉 萬里箐寨阿角簇按撫司 思曩

兒簇長官司 太平長官司

貴州

金筑安撫司 貴州宣慰司 程番長官司 木瓜長

官司 方番長官司 廬山長官司 覬里

以上舊隸四川清平衛

安撫司 養龍抵塞乖西水東西長官司 白納小平
伐二長官司 青山中曹龍里劉佐四長官司 都勻
府歸化上下二牌頭 卧龍小龍大龍韋番四長官司
盧番洪番金石三長官司 羅番上馬小程三長官
司 平伐麻嚮貴竹三長官司

廣西

龍英州 江州 果化州 歸德州 向武州 歸順
州 憑祥州 都康州

湖廣

桑植安撫司 添平千戶所

凡土官差人到京鴻臚寺即與引見并投進實封奏本其方物赴禮部驗進

嘉靖元年議準聖節止許各宣慰宣撫安撫官具方物差人赴京其餘佐貳官以下及把事頭目護印舍人止許朝覲年入貢每司量起的當通犯三二人齋執方物多者給與本冊咨批少者給與咨批各給關

文應付馬匹就彼變賣銀兩貯庫降香黃蠟茶葉等物要實重五十五斤為一扛每扛賞濶生絹二疋照扛遞如其不由本布政司起送或斤重不足差人過多不待朝覲之年擅自起貢禮部不與進收責諭遣回賞賜應付通行停止 二年議準前數項及過限一月俱屬違例止減半給賞若違例多端者不賞 七年議準湖廣土官襲授宣慰宣撫安撫職事者差人慶賀每司不許過三人其三年朝覲每司止許二人

大約各司共不過百人起送到京者不過二十人餘俱存留本布政司聽賞所司辨驗方物造冊給劄差官拌押到京禮部驗批相同方與賞賜應付

貢物 馬 象 犀角 孔雀尾 象牙 象鈎

象鞍 象脚盤 蚺蛇膽 金銀器皿 玉石 青

紅寶石 圍帳 金絨索 各色絨綿 各色布手

巾 花藤蓆 降香 黃蠟 檳榔

朝貢通例

凡朝貢方物

洪武二十六年定

凡諸番國及四夷土官人等或三年一朝或每年朝貢者所貢之物會同館呈報到部主客司官赴館點檢見數遇有表箋移付儀司其方物分豁進貢上位若干殿下若干開寫奏本發落人夫管領先具手本關領內府勘合依數填寫及開報門單於次日早朝照進內府或於奉天門或奉天殿丹陛或華蓋殿及文華殿前陳設

本部正官奏啓進納若遇慶賀聖節正旦貢獻之物初到即以數目具本奏聞物候至日通進內府陳設交收凡進馬羸到於會同館即令典牧所差醫獸辨驗兒騾驢及毛色齒歲明白備寫手本交收及令本館放支草喂養仍撥人夫管領至期進內府行列于墀東伺候御前牽過同手本交付御馬監官收領

凡進象駝到於會同館令本館喂飼次日早進內府御前奏進如候聖節正旦冬至陳設進收日遠先行奏聞

象送馴象所駝送御馬監收養至期令進內府陳設

凡進虎豹禽鳥之類到於會同館就令畜養之人喂養
具數奏聞送所司收領至期進內府丹墀內陳設

凡進金銀器皿珍寶段疋之類須同貢獻之人驗視明
白具寫奏本仍以器具裝盛或黃袱封裹分撥館夫一
同貢獻之人收管先期一日關填勘合開報門單次日
早照進內府于殿前丹墀等處陳設一一交付長隨內

使收管

凡進蘇木胡椒香蠟藥材等物萬數以上者船至福建廣東等處所在布政司隨即會同都司按察司官檢視物貨封艖完密聽候先將番使起送赴京呈報數目除國王進貢外番使人伴附搭買賣物貨官給價鈔收買然後布政司仍同各衙門官將貨稱盤見數分豁原報附餘數目差人起解前來禮部香官及行戶部都察院委官會同差督人夫運進承運庫稱盤入庫禮部先期開寫各庫該收貨物手本於午門關領各門勘合填寫照

進并出給長單入該庫寫實收數目回部備照

後續定

凡外國朝貢惟朝鮮國所進方物陳設奏進其餘俱該

司驗過具題得旨開具手本送右順門即歸極門內府合該

衙門交收今朝鮮國貢物亦不陳設止具題開送歸極門內使交收

凡進馬惟朝鮮國先行面奏引過御馬監交收其餘俱

該司驗過送鴻臚寺隨本引進遇慶賀禮部先行請旨

行御馬監至期陳設今朝鮮國進馬亦不面奏止具題送御馬監交收

凡進象駝虎豹禽鳥之類俱不陳設惟具題送內府各衙門交收

凡進到獅象禮部題請量留原來送伴四人與同馴象所軍奴到于御馬監調養待後馴習發回光祿寺日給養贍仍行兵部給與牌面懸帶以便西安門出入

凡安南國進金銀器皿之類引奏進獻其餘俱具題送歸極門交收

凡進藥材等物徑從禮部具題送歸極門交收蘇木胡

椒硫黃近多解南京禮部交收

凡各處夷人貢到方物例不給價朝鮮國常貢馬匹亦不給價

凡勘合號簿

洪武十六年始給暹羅國以後漸入諸國每國勘合二百道號簿四扇如暹羅國暹字號勘合一百道及暹羅字號底簿各一扇俱送內府羅字勘合一百道及暹字號簿一扇發本國收填羅字號簿一扇發廣

東布政司收比餘國亦如之每改元則更造換給

計有勘合國分

暹羅 日本 占城 瓜哇 滿刺加 真臘 蘇祿

國東王 蘇祿國峒王 柯枝 淳泥 錫蘭王 古

里 蘇門答刺 木麻刺

凡信符金牌

永樂二年始置以給雲南徼外土官其制銅鑄信符

五面內陰文者一面上有文行忠信四字與四面各

編某字一號至一百號批文勘合底簿其字號如車里以車字為號緬甸以緬字為號陰文信文勘合俱付土官底簿付雲南布政司其陽文信符四面及批文一百道藏之內府凡朝廷遣使則齊陽文信符及批文各一至布政司比同底簿方遣人送使者以往土官比同陰文信符及勘合即如命奉行信符之發一次以文字號二次行字次忠次信周而復始又置紅牌鏤金字勅書諭之凡有調發及當辦諸事須憑

信符乃行如越次及比字號不同或有信符而無批
文有批文而無信符者即是詐偽許擒之赴京治以
死罪又編勘合一百道付各衙門勘合底簿一扇付
布政司凡有軍民疾苦及奉信符辦過事務進貢方
物之類俱於勘合內填寫遣人齎至布政司比號寫
底簿布政司都司遣官同齎所填勘合奏聞若邊境
聲息及土人詞訟從都司布政司按察司官會同計
議行之其事已行及承行原由並填寫勘合奏聞如

總兵官鎮守遇有前事總兵官亦會三司計議仍用
都司或布政司印信文書寫總兵官處分之語方許
奉行亦填寫勘合具奏若朝廷命總兵官掛將軍印
征討調遣軍馬不待三司文移即時發遣亦填勘合
差人奏聞填寫勘合或字書錯誤明白圈註以本司
印信鈐蓋凡所收底簿及勘合用之將盡具奏再班遇
改元則更換造給舊簿勘合隨貢繳部貯庫或總兵
官都司布政司等官新除官到任及遇時節不許齎

禮物相慶仍以紙寫禁約一道付之或有貪婪無藉
凌害者不待填寫勘合止具本遣人齎所賜勅不經
總兵官及三司徑赴京陳奏治以重罪

計有勅符勘合土官衙門

軍里木邦緬甸麓川平緬八百大甸老撾六宣慰司

十厓大候里馬茶馬四長官司 潞江安慰司 孟艮

孟定灣甸鎮康等府 其後又有孟養等宣慰司威遠

等州亦給勘合

凡番部誥勅

初哈密等七衛俱有如諾延海西諸衛例後乃沒於土
魯番而烏斯藏長河西等處闡教闡化輔教贊善護教
五王大乘大寶二法王各處國師俱誥命禪師勅命都
綱喇嘛都指揮指揮等俱勅諭其闡教闡化輔教贊善
仍給勘合護教自稱原有勘合燬於火累年請給未與
二法王及長河西朶甘斯董卜韓胡俱不給勘合其金
川雜谷等處止齋印信番文亦無勘合

嘉靖二十八年題準各處番僧到京襲職進貢禮部置
立文簿一扇各僧齋到舊給誥勅所載師僧職名頒給
年月及見今襲替僧徒名字住坐地方分別已未領有
新誥新勅逐一登記備行布政司照式置造以後如遇
應貢年分將文冊查對如係襲職久遠果有退老病故
情節方許照例起送承襲其有已襲而未領新誥勅者
照已賞未襲職例許起送一二人如有捏作入番行教
在番病故者不許濫放如違聽本部通將三司等官參

究治罪各番應領誥勅新者既給與舊者即令銷繳其
新給誥勅俱要開載住坐地方如隨護教王進貢襲職
者即稱係護教王地方住坐某師某名其餘地方準此
計有誥勅部落番僧

諾延衛 福餘衛 泰寧衛 烏斯藏 長河西等
處

凡使人入關

嘉靖十二年令邊方一應該管官員務要盤驗明白方

許放進若勅書內有洗改詐偽字樣即便省諭阻回不許一概朦朧驗放

凡進奏番本

嘉靖二十六年題準該邊官審明封進如於理法不通即省諭退還不必瀆奏到京後若有番本不係邊官封奏者不與準理

凡番使往回

嘉靖二十六年令經該巡撫衙門給與印信文簿事畢

回還者禮部給與印信文簿令所過驛遞將夷使名數
并應付馬驢車輛廩給口糧各數目初到及起身各日
時逐一登記就用本驛遞條記鈐蓋仍付伴送人員齎
往前路驛遞一體填寫事完之日伴送人員將前簿在
內送本部在邊送巡撫衙門稽考禮部仍咨各該巡撫
凡伴送番人務選平昔畏法諳熟番情者差遣不得濫
委擾害地方

凡譯待番使

成化間題準逸北小王子來貢禮部差該司官一員前
往大同會同鎮巡等官將差來使臣逐一譯審分諭使
臣若干隨來男婦若干赴京若干存留若干使臣自進
并帶進其頭目下馬羸方物皮張數目俱要辨別毛齒
等第編成字號填寫勘合用印鈐蓋給付各使臣收照
仍著落山西行都司備造黃冊奏繳青冊先行送部以
憑給賞其在彼茶飯并沿途供應及榆河驛湯飯一聽
本官提督

凡貢使限制

成化十九年題準烏斯藏長河西朶甘斯等處國師禪師在本地方住坐者與各寺寨輪流進貢湊滿每年百人之數不許各另差人如有退老事故許令的親兒徒因襲職赴京進貢國師起送一百人禪師都指揮五十人已賞未襲職者再來襲職止許一二人其都綱指揮以下來襲職者止本身隨同年例貢使赴京 二十一年奏準各處招撫生番進貢行本處鎮巡等官止許寨

首一人前來如五寨五人十寨十人不許過多

嘉靖二十六年題準賽瑪爾堪并土魯番天方國魯爾
額濟格依等朝貢查照舊例每十人起送二人扣該起送
赴京五十人其存留甘肅聽賞者除舊二百名外量增
一百名各給口糧照應貢人數減半給賞餘俱阻回自
進并帶進馬匹合例者聽候領賞其該退還而先已給
軍給驛者量給價銀今後所進方物該邊官看驗果係
堪中物件方與收載冊內除正額外多餘者悉退還各

夷聽其貨賣預先省諭各番不許將退還之物仍帶來
京捏稱自進加進色名奏擾希賞 二十八年題準都
綱喇嘛指揮人等亦準帶二十五人

隆慶三年議準國師禪師都指揮等襲職差人總在年
例數內不許另外增加襲職之後亦不許假以謝恩差
人另貢方物各地方遇番僧進貢務將各番所齎原給
誥勅勘合及印信番本逐一查驗明白果無冒偽影射
情弊方許具本起送各番地方遠近不齊貢期不必拘

以三年但未及三年不許來貢不願者不强凡諸番貢不如期及年例外多貢者參作下次例貢之外

凡使病故

如係陪臣未到京者本部題請翰林院撰祭文所在布政司備祭品遣本司堂上官致祭仍置地營葬立石封識到京病故者行順天府給棺祠祭司諭祭兵部應付車輛人夫各該賞衣服綵段俱付同來使臣領回頒給

嘉靖八年題準在館未經領賞病故者行順天府轉行宛大二縣預解無碍官銀三十兩發館每名給與棺木銀五錢支盡之日造冊繳部再行取用領賞以後病故聽其自行葬埋

凡投降人

到館譯審明白兵部題請到部關給來降賞賜畢日著去該都督府差委官舍伴送兩廣軍門轉發缺少頭目衛分安插仍給房屋牀榻配與妻室查點舊例養贍

凡朝鮮國漂流夷人

至會同館即行該館通事序班譯審明白日給薪米養
贍兵部委官伴送沿途應付至遼東鎮巡衙門另差人
員轉送歸國通行國王知會如該國使臣在館即令帶
回一體給賞應付

凡差官伴送

嘉靖二十七年題準兵部立與批限候回京之日查違
限遠近一年之外武官調衛文官罷職不敘沿途生事

殘害居民者許所在官司開申撫按轉達本部參送問
罪

凡交通禁令

各處番人朝貢領賞之後許令會同館開市三日或五
日惟朝鮮琉球不拘期限俱主客司出給告示于館門
首張掛禁戢收買史書及玄黃紫阜大花西番蓮段疋
并一應違禁器物各舖行人等將入館內兩平交易染
作布絹等項立限交還如賒買及故意拖欠騙勒番人

久候不得起程并私相交易者問罪仍於館前枷號一箇月若各番故違潛入人家交易者私貨入官未給賞者量為遞減通行守邊官員不許將曾經違犯番人起送赴京

凡會同館內外四隣軍民人等代替番人收買違禁貨物者問罪枷號一箇月發邊衛充軍

弘治十一年令迤北小王子等使人朝貢赴京官員軍民人等交易止許光素紵絲絹布衣服等件不許將一

應兵器并違禁銅鐵等物有違犯者處以極刑 又奏
準私將應禁軍器賣與番人圖利者比依將軍器出境
因而走泄事情者律各斬為首者仍梟首示衆 又令
在京在外軍民人等與朝貢番人私通往來投托管顧
撥置害人因而泄漏事情者俱問發邊衛充軍軍職有
犯調邊衛帶俸差操通事併伴送人等係軍職者照軍
職例係文職有贓者革職為民 十三年奏準甘肅西
寧等處遇有番人到來本部司委官關防提督聽與軍

民人等兩平交易若勢豪之家主使弟男子姪家人頭目人等將番人好馬奇貨包收逼令減價以賤易貴及將麤貨物并瘦損頭畜拘收取覓用錢方許買賣者聽使之人問發附近衛分充軍干碍勢豪及委官知而不舉通同分利者參問治罪

嘉靖三年奏準夷人貢船未曾報官盤驗先行接買番貨者比照私自下海收買番貨至十斤以上事例邊衛充軍其交結番人誑騙惹釁及教誘為亂者比照川廣

雲貴陝西等處事例邊衛永遠充軍一應代替番人收
買違禁貨物者比照會同館內外軍民事例發遣包攬
打造違式海舟賣與番人圖利者比照私賣應禁軍器
事例處斬 二十六年題準西域各地面退還貨物其
在邊開市之處差委的當官員嚴行監察不得與漢人
交通別生事端

隆慶三年議準西番烏斯藏等寺若有近邊奸民出外
勾引希圖冒賞者聽撫按等衙門訪拿治以交通外夷

重罪

凡貢回定限

萬曆七年議準分為三等朝鮮國諾延福餘等衛限一箇月零十日安南琉球暹羅各國陝西大崇教大能仁崇隆惠濟扯巴等寺岷洮及莊浪等處四川金川寺加渴瓦寺長河西雜谷長寧達思蠻等處各番僧番族限一箇月零二十日四川烏斯藏番王董卜韓胡番僧寨官人等陝西贊善王弘化淨寧等寺番僧土魯番天方

國魯迷哈密等及罕都等衛限兩箇月

賓客

會同館

舊設南北兩會同館接待番部使客遇有各處貢夷
到京主客司員外郎主事輪赴會同館點視方物譏
防出入貢使去復回部視事弘治五年各部來貢者
衆始添設會同館主事一員專一在館提督事務

凡貢使至館

洪武二十六年定凡四夷歸化人員及朝使客初至會同館主客司官隨即到彼點視正從定其高下房舍鋪陳一切處分安妥仍加撫綏使知朝廷恩澤

一下程分豁正從人數劄付繕部五日一次照例支送酒食茶麪飲食之物

一管待量其來人重輕合與茶飯者定擬食品桌數劄付繕部造辦主客司官一員或主席或分左右隨其高下序坐以禮管待仍令坊司供應

凡番王至京

洪武二年令禮部官於會同館禮待永樂以後外番來朝貢者致命中官與文武大臣或學士等官待宴不拘員數成化初北狄東夷西番以武職大臣待朝鮮安南日本等國并土官以禮部官待

嘉靖三十九年朝鮮國陪臣到京禮部題請待宴官命禮部尚書待又泰寧等各部頭目命總督戎政勲臣待自待夷使到京俱照例

凡會同館醫士

遇使人及伴送人等有疾即與醫藥年終具用藥若干活人若干開送提督主事處核實呈部以稽勤惰考滿陞授仍留本館辦事其藥材太醫院闕給

凡兩館事務夫役

嘉靖十年令俱屬提督官管理兵部該司不許侵撓干預其大使等官及別衙門敢有占用夫役及脫逃負欠情弊都聽提督官查究

四夷館通事

洪武永樂以來設立御前答應大通事有都督都指揮指揮等官統屬一十八處小通事總理來貢番人并來降番人及走回人口凡有一應番情譯審奏聞嘉靖初革去大通事其小通事悉屬提督官凡在館鈐束番人入貢引領回還伴送皆通事專職

凡通事額員

成化五年奏定小通事額數總不過六十名遇有病故

及為事等項革去職役者照缺選補若事繁去處丁憂

有過三名者量補一名 計外番一十八處額設通事

六十員名

朝鮮國五員名 日本國四員名 琉球國二員名

安南國二員名 真臘國一員名 成化二十年添一名 後以空閒俱不補

暹羅國三員名 占城國三員名 瓜哇國二員名 後俱

不補 蘇門答刺國一員名 後不補 滿刺加國一員名 韃靼

七員名 成化十九年添一名 回回七員名 成化十九年添一名 尼嚕罕七員名

成化十九年添二名 輝和爾二員名 西番五員名 成化十九年添一名 河

西一員名 成化二十年添一名後俱不補 緬甸一員名 後不補 雲南百夷

等處六員名

凡食糧資給

成化七年奏準通事戴頭巾三年滿日送部考中頂補正缺者準支米添設者雖經考中仍作不支米辦事待有正缺方準支米 十八年定通事辦事三年滿日本部考中支米又辦事三年滿日考中送吏部冠帶又三

年滿日考中實授序班欠通者許習學半年再考

弘治六年申明額外添設待缺通事雖滿三年六年考
中不許支米其滿九年未得食糧者準其食糧協同辦
事 九年奏準通事食糧辦事三年滿日考送吏部冠
帶如番語欠通及有過名誤事者徑發原籍為民

凡收充候缺

弘治八年奏準各國世業并土官人子孫情愿告充候
缺通事或邊方訪保生儒人等該本部考得番語精通

勘無詐冒者劄送鴻臚寺收充候缺通事土官土人子孫給與養贍食米一石極邊訪保者給食米五斗通候有缺之日再考題補其出身資格仍照舊例 凡各處歸順土官子孫告充通事補缺三年奏準給與冠帶辦事仍候三年考滿銓選

嘉靖二十九年題準通事遇有各館正額名缺將候缺通事查係類考居一等方與照依到館名次挨補其考居二等及季終考雖居一等者不許槩稱到館在先援

比求進

凡訪保

成化十八年奏準各國通事止一名者訪保一名不支
米辦事

嘉靖元年奏準通事丁憂緣事未結俱不作缺其有見
缺十人以上及一國全缺者照舊行各邊鎮巡官訪保
精通番語身家無過人物齊整字畫端楷語音洪亮者
每缺起送二人前來補考 十九年議準通事見缺訪

保送部收考轉送該寺教習者俱不得過正額之半若
本國正額止一名者許收候缺一名凡遇候缺既盡正
額有缺許鴻臚寺呈部奏請訪保照例考滿不必拘見
缺十人及一國全缺之例

凡考試教習

嘉靖二十五年題準禮部會同吏部將在館通事序班
人員通行考試分為三等題請一等照舊在館供事二
等量加罰治姑容習學三等黜退為民其未經授職通

事人等本部仍各選委年深通事序班題請照舊教習
每日書寫番漢字語一張每月朔望責令該館序班考
校月終提督主事考校季終本部通將各館官員通事
人等參錯出題嚴加考核如一年三次考居三等通事
人等本部即時量責序班等官年終類題罰治以後通
事食糧冠帶授職等項仍各案候俱以三六九年為期
通將各館官生人等一併嚴加隔別考試其番語通曉
者許照例遷轉留用不通者徑自黜退為民不許照常

扣日換資求進 二十八年題準各館中掄選年深通
事曉番語者一人立為教師不分有無番人每日黎明
時進館提率各館通事人等演說番語中有未能通曉
者遇有該邊原來伴送通事許令教師詢訪務求通曉
音字如三年之中習有成效候類考之時具名奏請擢
用本部仍置郊簿一扇行令提督主事每五日令各館
官生畫郊如有不到者明書於各名之下每月朔望教
師引領生徒將所習音字抽試數字番語演說一遍季

終提督官將卯簿封呈本部以憑季考兼論其勤惰歲終備開考語封呈本部以待三年通考其廉沔季考及三年通考之時必合字與音相兼考校

凡考滿

成化十八年奏準通事序班等官三六九年滿俱禮部考過番語精熟查訪無過量出考語咨送吏部六年考察京官之日亦從本部查訪備開揭帖徑送考功司

嘉靖二十六年奏請通事官生三六九年考滿該鴻臚

寺起送到部者查無違碍仍舊取官對考如果番語精通準令給由若譯語欠熟發回習學候三箇月再考又不稱者徑自黜退為民

萬歷四年奏準通事序班官給由或遇公差或發回習學補考或候對考官每遇季終不拘人數多寡禮部查明類考咨送吏部其緣前各項不能盡如俸滿之期者須明註咨內

凡出差

弘治九年奏準通事出差違限半年照例送問雖有公文不與準理違限一年及養病服闋二年之上作缺待其守京俱令守缺不許作協同辦事名色 十一年奏準南方海外諸國不必差官送還如果原來通事別有事故番人奏討不已者禮部奏請定奪

嘉靖二十九年題準番僧貢回差通事序班給批定限送至四川巡撫衙門交割止許在省守候批文不許跟同前去 三十三年題準暹羅國使臣告稱驛遞艱難

差通事序班給批定限送至福建布政司交割 三十
八年題準尼嚕罕人貢回還差通事序班押送出境
十三年題準通事故縱番人詐害驛遞改行兵部差指
揮等官伴送

萬曆四年題準兵部差官不諳番語致各番沿途生事
益甚仍差通事序班押送但有不自檢飭不能鈐束番
譯許所在官司申呈參革

凡通事違犯

成化十九年題準通事有犯贓私照吏典例

弘治九年奏準各國戴頭巾通事不許遇例上納糧草
及一應經商買賣曠廢職業違者奏問革役

嘉靖十七年奏准在館通事序班辦歷勤謹譯語精熟
者該寺具奏量加俸秩如有恣肆曠廢唆誘番人為非
受賄作弊抗違該司提督官者俱聽禮部指名參究

二十九年題準通事分撥各館之後不許寅緣告改別
館違者本部參究 三十年題準通事今後有患病至

禮部志稿卷三十六